

Čampara: Blok 7 TE Tuzla od značaja za FBiH i njenu energetska neovisnost (Video)



Dopredsjedavajući Doma naroda Federalnog parlamenta Aljoša Čampara izjavio je da očekuje da na današnjoj sjednici ovog doma bude usvojena odluka u vezi Bloka 7 Termoelektrane Tuzla.



– Radi se o važnom projektu za Federaciju BiH, to je generacijski projekat i što se tiče Kluba Bošnjaka, mi

smo jednoglasno podržali prijedlog ove odluke i mislim da ni drugi klubovi neće imati nikakvih problema. Imali smo obrazloženja svih relevantnih predlagača od Vlade Federacije BiH, odnosno Ministarstva finansija, Elektroprivrede BiH, uposlenika Termoelektrane Tuzla, našeg Vijeća za državnu pomoć, da je sve usklađeno s pozitivnim zakonskim propisima i da ne vidimo niti jedan problem da ova odluka ne bude usvojena danas na sjednici Doma naroda i da se ide u realizaciju ovoga projekta – izjavio je Čampara.

Naglasio je važnost ovog projekta za Federaciju BiH u smislu njene energetske neovisnosti, kao i da će Tuzlacima omogućiti čistiji zrak budući da podrazumijeva gašenje više dosadašnjih zastarjelih blokova te izgradnju novog po najsavremenijoj tehnologiji. (Fena

Date: 01-04-2019